

Bubu Vlad von Dracul

Pa: Roland W. Peterson

E ta biba den un spelonk scur
cu ta situa entre Boca Prins
y Boca Mahos

Nunca e ta sali den dia cla
Ningun hende ta corda cu nan
a yega di mirele
E tin miedo di luz
y den dia e no tin forza

Pero nan sa cu Holloween
ta yegando
Y e anochi ey, 31 October
Bubu Vlad von Dracul
mihor conosi como Bubu
Dracula
lo sali pa chupa sanger di
hende

Tur hende ta spanta
Nan a claba nan bentananan
caba
Nan sa cu Bubu Dracula
ta un Zombi cu tin mas forza
cu binti homber
Y sanger di bestia e no kier
Ta sanger di hende e kier

Nan sa cu e ta imortal
E anochi ey e lo cambia
den un lobo feroz (werewolf)
E no tin reflexion den spiel
E ta cana sin sombra

E ta hypnotisa su victimanan
Y ningun hende ta corda nada
E por cambia su victimanan
den Vampiro tambe

E anochi ey tur burico
cu ta cana den mondi
lo bira dragon
Prikichi lo bira raton di
anochi
y Choconan lo scupi candela

Wel ta kiko nos por haci anto?

No invita Bubu Dracula den
bo cas
Un bes bo invite semper e ta
bin bek
ora e kier

Ta bon pa sa tambe cu
Bubu Dracula tin miedo di
Simbolonan sagrado manera,
cruz y awa bendita

Y tambe e tin hopi, hopi
miedo
di conoflok
Si bo bai supermarket y bo
ripara cu preis di conoflok
a subi
Anto awor abo sa ta pakiko.